

吳  
詩  
集  
覽

吳詩集覽卷十上

黎城靳榮藩介人輯

五言律詩三之上

過中峯禮蒼公塔

蒼雪塔銘塔在中峯寺後二百步自此首以下皆梅村南歸

後作

下馬支公塔經聲萬壑松影留吟處石智出定時鐘尙

記山中約誰傳海外逢平生詩力健翹足在何峯

首句點完

題面前半就塔前之物而讚嘆之五六寫出交情萬壑何峯起結相應○崔曙詩支公已寂滅塔影山上古經聲見謁剖公李詩如聽萬壑松岑勛多寶塔碑兼造自身石影跪而戴之方雄飛詩獵者聞疎磬知師

入定回

甘澤謠

圓觀者大歷末洛陽惠林寺僧李諫

議源與圓觀爲忘年交一旦約遊蜀州抵青城峨眉訪

道求藥圓觀欲遊長安出斜谷李公欲上荊州三峽曰

吾已絕世事豈取途兩京圓觀曰此行固不由人請出

三峽而去遂自荊江上峽行次南浦維舟山下見婦人

數人錦襦負髻而汲圓觀望見泣下曰某不欲至此恐

見其婦人也李公驚問圓觀曰其中孕婦姓王者是某

託身之所逾三載尙未婉懷以某未來之故也今旣見

矣卽命有所歸釋氏所謂循環也請假以符咒遣其速

生少駐行舟葬某山下浴兒三日公當臨訪若相顧一

笑卽某認公也更後十二年中秋月夜杭州天竺寺外

與公相見按第五句暗用此事圓觀或作圓澤傳燈

錄二十八祖達摩自天竺國泛海見梁帝不契潛上嵩

山少林寺面壁九年端居而逝葬熊耳山魏宋雲奉使

西域迴遇師于葱嶺見手攜雙履翩翩而逝雲問師曰

西天去按第六句暗用此事鄭守愚詩暮年詩力在

明詩綜讀微有南來堂稿傳燈錄長鬚

禪師參石頭石頭乃翹一足師便爲禮拜

漁洋詩話近日釋子詩以滇南蒼雪爲第一如一夜  
花開湖上路半春家在雪中山亂流落葉聲兼下聽  
徹寒扉不上關皆警句其弟子秋臯  
亦有句云鳥啼殘雪樹人語夕陽山

其二

明月心常湛寒泉性不枯鳥啼香積散花落影堂孤道

在寧來去名高定有無淒涼看筆塚遺墨滿江湖

起二句是

來是有三四句是去是無五六句雙承作轉而側重來  
有一邊結句作合正見其道在名高去亦是來無亦是  
有也極力推重蒼雪○李頎詩清池皓月照禪心增韻  
湛澄也澹也詩爰有寒泉左太冲吳都賦碕岸爲之  
不枯維摩經維摩居士遣八菩薩往衆香國禮佛言  
願得世尊所食之餘于是香積如來以衆香鉢盛飯與  
之雍國鈞詩影堂斜掩一燈深鳩摩羅什十喻詩  
若能映斯照萬象無來去名高見坐奇懷室季詩今

日逢支遁高談出有無國史補長沙僧懷素好草書  
自言得草聖三昧棄筆堆積埋于山下號曰筆塚楊  
仲宏謝疊山遺墨詩辭氣凜  
然遺墨在再三尋繹淚雙零

其三

慧業誰能繼宗風絕可哀昔人存馬癖近代薄詩才鹿

走談經苑鴉飛說法臺空懸竹如意落日講堂開此承前首

說下言遺墨雖在而繼起無人蓋畜馬者多而講詩者

少故鹿走鴉飛而講堂寂寞也南史謝靈運傳得道

應須慧業宗風見讚佛詩晉書杜預傳預常稱王

濟有馬癖世說支遁好養馬曰貧道重其神駿按梅村

蓋合用之池北偶談南來蒼雪法師貫穿教典尤以

詩名按鹿走借用麋鹿遊蘇臺語王詩揚子談經處

嚴正文詩寒鴉飛盡水悠悠說法見讚佛詩太平

廣記明皇幸功德院忽苦背癢羅公遠折竹枝化七寶

如意以進講  
堂見謁剖公

其四

故國流沙近黃金窰堵坡胡僧眉拄地梵夾口懸河傳

法青蓮湧還家白馬馱他年乘願到應認舊山阿原註蒼公

滇人

此詩就蒼公故里說烟波無限○流沙見龍腹

竹歌

翻譯名義窰堵坡亦云墳又名塔季贈胡僧

詩序有胡僧不知幾百歲眉長數寸神仙傳孔元方飲

酒作一令以杖拄地以一手持杯倒飲胡身之通鑑

注梵夾貝葉經也以板夾之謂之梵夾晉書郭象傳王

衍每云聽象語如懸河瀉水而不竭宋史王安石傳

時號韓絳為傳法沙門晉書佛圖澄傳取鉢盛水燒香

呪之須臾鉢中生青蓮花漢明帝內紀佛久滅度遂

鈔聖教六十萬五千言以白馬馱還王夏卿大證禪

寺碑或宿植德本乘願復來或意生人間用宏開示

楚辭若有人  
兮山之阿

### 過王菴看梅感興

練川城南三十里爲王菴學憲王先生著書地  
也有梅萬株不減鄧尉余以春日過其廢圃學

憲所著數種其版籍尙存

（一統志練祁塘在太倉州嘉定縣南自縣

治中分東曰東練祁西曰西練祁姑蘇志練祁塘又名練川嘉定縣志王圻字元翰上海籍嘉靖癸丑進士湖廣提學僉事終陝西布政司叅議王園中有歲寒亭是其著書處靜志居詩話洪州拜分陝之命卽請告終養旣歸松江之濱種梅萬樹目曰梅花源仰屋著書門溷皆安硯席  
（二統志鄧尉山多樹梅花一望如雪行數十里香風不絕蘇詩荒涼廢圃秋  
（三統志）

史太祖紀  
咸入版籍

地僻幽人賞名高拙宦居客來唯老樹花發爲殘書斜

日空林鳥微風曲沼魚平生貪著述零落意何如

地僻名高

俱指王菴幽人拙宦俱指學憲第三句是看梅唯字用意第四句從梅花繳到著書爲字用意然菴中風日魚

鳥雖尙如故而學憲已不可見著述零落可爲興感也通首呼應皆靈無一閒字○地僻見礬清湖幽人見

西田詩其四名高見禮蒼公塔拙宦見再寄三弟

易有不逮之客三人來老樹見雕橋莊歌花發見贈

馮訥生薛大拙詩就未吹落讀殘書陰子堅詩翠林

將日斜儲光義詩清氣在空林狂詩微風燕子斜洛

陽伽藍記斜風入牖曲沼環堂著述見送周子

叙程迓亭曰學憲著述以續文獻通考爲第一

祁文友字蘭尙過王園看花于株紅紫闌芳妍春到頻添酒債錢任是打門官吏急公家不稅種花田



獨往王菴看梅沈雨公携尊道值余已過返賦此

爲笑

羅業之詩携尊座外花空老

屢負尋山約偶然來此間多君携酒至愧我放船還雙

屐成孤往千林就一閒誰知種花叟鎮日不開關

前四句完

題面雙屐指雨公千林指王菴梅樹也結有別趣○更

記項羽紀又惡負約尋山見贈文園公後漢書劉昆

傳偶然耳杜彥之詩山翁時挈酒相尋放船見鴛

湖曲雙屐見高涼司馬行歸去來辭懷良辰以孤往

蘇詞異材秀出千林表陸務觀詩微雨種花

天鎮日見觀王石谷畫百詩竹林多處不開關

送致言上人

明詩綜宏句字致言歙人雪嶠弟子

獨下千峯去蒼溪出樹腰雲生穿磴屐月滿過江瓢一

飯從村寺前身夢石橋經行無定着惆悵故山遥起結相應

通首工整○蒼溪見閬州行此借用杜詩斜暉轉樹腰

雲生見送照如師穿燈見園居舌詩三五明月滿

蘇詩大瓢貯月歸春甕一飯見送杜于皇季有中詩

卻憐村寺僧相引前身見圓圓曲謝靈運山居賦凌

石橋之莽苔楊炯孟蘭盆賦山中禪定樹

下經行張懿孫詩浮客了無定故山見猿

過韓蘄王墓宋史韓世忠傳字良臣延安人孝宗

朝追封蘄王一統志韓世忠墓在吳

訪古思天塹江聲戰鼓中全家知轉鬪健婦笑臨戎汗

馬歸諸將疲驢念兩宮淒涼岳少保宿草起秋風用訪古二

字起卽與讀世忠傳而作者不同末句宿草映合墓字是詩律細處前四句蘄王戰功後四句蘄王心事○杜

詩平臺訪古遊天塹見避亂世忠傳上元節就秀州

張燈高會忽引兵趨鎮江及金兵至則世忠已屯焦山

寺兀木遣使通問約日大戰許之梁夫人親執桴鼓金

兵終不得渡世忠與二酋相持四十八日兀木窮蹙求

會語所請甚哀鶴林玉露斬王夫人京口娟也嘗五更

入府伺候賀朔忽于廊柱下見一虎蹲卧鼻息鼾驚

駭走出已而人至者衆復往視之乃一卒因蹴之起問

其姓名密告其母邀之至家具酒食資以金帛結爲夫

婦江聲見歲暮送苑先戰鼓見東萊行史記淮陰侯

傳楚人起彭城轉鬪逐北至于滎陽古詩健婦當門

戶唐太宗詩臨戎八陣張史記晉世家矢石之難汗

馬之勞諸將見讀史雜感世忠傳成閔解元王勝王權

劉寶岳超起行伍秉將旄皆其部曲云疲驢出史記

日者傳世忠傳紹興十一年十月罷爲醴泉觀使奉朝

請自此杜門謝客絕口不言兵時跨驢攜酒從一二奚

童縱遊西湖以自樂按兩宮謂徽欽也世忠傳與兀木

會語亦有還我兩宮復我疆土等語宋史岳飛傳字

鵬舉湯陰人紹興五年加檢校少保進封公按岳以

十一年死韓以二十一年薨故有宿草之嘆宿草見贈  
文園公杜牧之詩五陵無樹起秋風世忠傳論暮年退  
居行都口不言兵部曲舊將不與相見益懲岳飛  
之事也輟耕錄岳武穆王飛墓在杭棲霞嶺下

## 其二

行在倉黃日提兵過故鄉傳聞同父老流涕說君王石

馬心猶壯雲臺跡已荒一坏堪漬酒殘日下平岡

前半首斷

王事跡後半首切墓說○蔡伯喈獨斷天子自謂曰行  
在所猶言今雖在京師行所至耳巡狩天下所至處皆  
爲宮倉黃見罄清湖序提兵見臨江參軍公羊傳  
所傳聞異辭父老見贈家侍御唐書秦瓊傳太宗詔  
有司琢石爲人馬立墓前以旌戰功杜詩落日心猶壯  
雲臺見又詠古注一坏見鴛湖曲注劉孝標廣絕  
交論門罕漬酒之彥趙承祐詩偏  
傷白日殘沈休文詩平岡走寒兔

按世忠延安人此詩故鄉侯考張如哉曰行在倉  
皇日謂建炎三年高宗由鎮江幸錢塘苗劉謀反逼  
使避位也提兵過故鄉謂世忠由海道赴行在趙秀  
州勤王之師也傳聞二句謂世忠得張浚書大勵至  
平江舉酒酹神誓不與賊共天士卒皆奮也故鄉即  
指行在所也時世忠妻子爲苗傳所質朱勝非給傳  
白太后遣慰世忠召梁氏俾逐世忠速其勤王梁氏  
疾驅一日夜會世忠于秀州君父妻子所在故可言  
故鄉也高宗復辟苗劉就擒寔由世忠之力戰帝手  
書忠勇二字揭旗以賜事具本傳詩特寫得激昂盡  
致

### 其三

詔起祁連塚豐碑有賜亭掛弓關塞月埋劍羽林星百  
戰黃龍艦三江白石銘趙家金碗出山鬼哭冬青

此下  
二首

切定過墓以冬青行對照與第一首同妙○祁連塚見  
楚兩生行 豐碑見讀西臺記吳中勝紀韓蘄王墓旁  
立石甃數仞石如之御書中興定國佐命元勲之碑  
杜詩天山早掛弓漢書賈山傳築長城以爲閑塞李詩  
邊月隨弓影 刀劍錄孝武帝以太元元年于華山頂  
埋一劍銘曰神劍羽林見雒陽行張如哉曰羽林本星  
名應劭曰天有羽林大將軍之星也 百戰見送杜牧  
武隋書楊素傳造大艦名曰五牙容戰士八百人次曰  
黃龍置兵百人陳將戚欣以青龍百餘艘守狼尾灘素  
親率黃龍數千艘銜枚而下悉擄其衆 三江見林屋  
洞按白石銘伐石爲銘如燕然山銘之類本事缺  
■ ■ ■ ■ ■ 趙家見讀西臺記注杜詩空餘金  
梳出 山鬼冬青見行路難遂昌雜錄宋太學生東嘉  
林景贍有夢中作十首其一絕曰一坏未築珠宮土雙  
匣親傳竺國經只有春風知此意年年杜宇哭冬青潘  
皆山曰冬青句正指楊璉真珈發宋諸陵事但遂昌雜  
錄所載此詩据輟畊錄羅鄭兩傳一以爲唐珣王潛之  
作一以爲林德陽景贍之作彼此互異而謝翱皋羽亦

有冬青引大抵皆痛  
諸陵暴骨之慘耳

其四

邱壟今蕪沒江山竟寂寥松風吹北固碑雨洗南朝細

路牛羊上荒岡草木凋肯容樵豎擾遺恨在金焦松風碑雨

俱指墓說而造語工妙不可思議結句知人論世仍不

脫墓字意○陶詩徘徊邱壟間南史梁元帝紀庭草蕪

沒令鞭去之寂寥見山水圖歌北固見九友歌

溫飛卿詩猶有南朝舊碑在杜詩石古細路行人稀

杜牧之詩秋盡江南草未凋歐陽永叔祭石曼卿

文惟見樵夫牧豎歌吟而上下遺恨見項王廟金焦

見贈

蒼雪

輿地紀勝龍王廟在北固山韓世忠遣兵伏廟中以  
龔兀木卽此按世忠傳世忠軍已先屯焦山寺謂敵

至必登金山廟觀我虛實乃遣兵百人伏廟中百人  
伏岸澗約聞鼓聲岸兵先入廟兵合擊之金人果五  
騎闖入廟兵喜先鼓而出僅得二人逸其三中有絳  
袍玉帶既墜而復馳者詰之乃兀朮也向令廟兵如  
計而行則兀朮就擒金人胆落矣此則斬王之遺恨  
與又按北固在北金山在西北焦山在東雖相距不  
甚遠然三山也宋史謂伏兵金山廟而輿地紀勝謂  
在北固山龍王廟其說頗異梅村此詩蓋從宋史

### 宿沈文長山館

山館見蟋蟀盆歌

一徑草堂偏湖光四壁天焙茶松竈火浴蘭竹籬泉玉

鼠仙人洞銀鱸釣客船前村呼種樹偶語石橋邊

工雅之作

似少陵過何將軍山林諸首○韓詩一徑向池斜北山

移文章堂之靈

湖光見宿福源精舍四壁見送周子

俶

白詩夜火焙茶香

禮蠶于蠶室奉種浴于川又

奉蘭以示於君白詩趁暖泥茶竈防寒夾竹籬

太白



詩序荆州玉泉寺山洞白蝙蝠大如鴉名仙鼠千歲後  
體白如雪高季廸詩烟霞閉深洞絕壁飛玉鼠張汝  
弼詩紫蟹銀鱸不論價前村見避亂漢文帝詔曰吾  
詔書數下歲勸民種樹偶語出史記秦始皇紀正義  
偶對也石橋見送致言

其二

遇山思便住此地信堪留謀食因溪確齋心在石樓漁

舟帆六面橋并樹千頭長共鴟夷子翩然結伴遊與前

妙○佛國記欲去便去欲住便住按登樓賦雖信美

而非吾土今曾何足以少留第二句反用之溪確見

苦雨莊子回曰敢問心齋仲尼曰惟道集虛虛者心

齋也馬虞臣詩僧語石樓漁舟見蘆洲行趙

閱道詩晴雲六面披按此本帆隨湘轉望衡九面而翻

新用之桂陽列仙傳蘇耽漢時人事母以孝聞一日

啟母曰耽當仙去今年疫癘取庭前井水橋葉救之可得無恙賣此水過于供養也于頭見送李友梅 鴟夷見送何省齋 張茂先鶴鶴賦翩翩然有以自樂也江總持詩霜雁多情恒結伴

### 福源寺

原註去毛公壇三里為攢雲嶺有福源泉寺以泉名羅漢松係梁朝舊物 吳郡志

毛公壇漢劉根得道處也根既仙身生綠毛人或見之故名毛公今有石壇在觀旁猶漢物也蘇州府志毛公壇下曰毛公泉即毛公煉丹井也又梁朝松在洞庭西山福源寺

千尺攢雲嶺金銀佛寺開鹿仙吹笛過龍女換珠來泉

繞譚經苑松依說法臺蕭梁留古樹風雨不凡材 前半首咏

寺後半首懷古○攢雲嶺見福源精舍注 杜詩金銀

佛寺開洪覺範曰佛地有金色世界銀色世界 顧逋

翁虎邱藏經碑覺華長者得定光如來授記鹿仙長者

得釋迦如來授記 梅聖俞詩龍女廟中來幸稀 南都

賦游女弄珠於漢臯之曲按葛稚川神仙傳劉根自言如華陽山見一人乘白鹿車從者十餘人左右玉女四人再拜稽首神人乃以神方五篇見授鹿仙龍女應指此至柳毅井在洞庭東山而福源寺在西山不必以龍女為洞庭君女也或曰華陽橋社不在西山詩或以之作襯然洞庭君女自與劉根無涉不如專指神仙傳耳  
泉繞見贈蒼雪譚經苑說法臺見蒼公塔蕭梁見  
遇南廂園叟易林有鳥飛來集于古樹杜詩金眸玉爪不

鹿走譚經苑鴉飛說法臺是悲涼語移作泉繞松依便是懷古語措詞入妙

包山寺贈古如和尚

蘇州府志包山禪寺在吳縣西南一百二十里曝書亭集

包山之寺相傳  
建自梁大同年

古木包山寺蒼然曉氣平石毛仙蛻冷

原注近毛公壇雲影佛

衣輕咒鉢蛟人聽彈碁鶴子驚相逢茶早熟匡坐說無

生前半包山寺後半贈古如極起承轉合之妙○王詩古木無人徑蒼然見西田詩其四季重規詩川長

曉氣高雲笈七籤夫尸解者尸形之化也本直之鍊

蛻也司空表聖詩雲影帶耕人傳燈錄初達摩奉佛

衣來得道者付以爲真印至大鑑乃置其衣而無傳焉

晉書僧陟傳苻堅使之咒龍請雨俄而龍下鉢中天

輒大雨張來儀詩咒水龍歸鉢按淮南子一淵不兩蛟

疑蛟與蛟通述異記南海中有蛟人水居如魚淮南子

瓠巴鼓瑟而鱉魚聽之典論子于他戲少所喜唯彈

碁畧盡其妙易鳴鶴在陰其子和之蘇詩谷鳥驚碁響

茶熟見虎邱圖韓詩外傳原

憲匡坐而絃歌無生見讚佛詩

過圻村

蘇州府志圻村在吳縣三十七都

萬壑響鳴蟬湖光樹杪懸雲鬢神女廟雪乳隱君泉山

龍櫻桃重溪船菱芡鮮相攜從此住松老不知年

前半圻村

舊蹟後半圻村情事○晉書顧愷之傳千巖競秀萬壑爭流杜詩森木亂鳴蟬湖光樹杪見宿福源精舍

雲鬢見讚佛詩羅昭諫詩神女廟前雲有心蘇州府志

縹緲之東山勢分爲二其一遷迤而北爲石馬爲鴻鶴

山有神女祠亦名神姑山蘇詩晨瓶得雪乳儲光義

詩借問故園隱君子李本寧大秘山房集游洞庭記石

磨山下取道圻村得烏砂泉泉在井中大柳蔭之距湖

高遠皆可丈許每汲必有烏砂沉蓋底按蘇州府志龍

山下曰烏砂泉徐聖塢曰黃公泉卽夏黃公隱處則隱

君應指黃公也櫻桃見青門曲菱芡見磬清湖序

王詩種松皆作老龍鱗

左傳襄三十年不知紀年

湖中懷友

蘇州府志太湖在府西南三十餘里

渺渺晴波晚青青芳草時遠帆看似定獨樹去何遲花

落劉根廟

蘇州府志作花發

雲生柳毅祠香尊正可擷欲寄起

相思

前半湖中後半懷友三四工妙已有懷字在內○謝元暉詩渺渺青烟移陸魯望詩海門蒼翠出晴

波

古詩青青河畔草

庾子慎詩遠帆似凌空陶

詩獨樹衆乃奇

劉根柳毅見二十五日詩

杜詩香

聞錦帶美注尊一名錦帶集韻擷捋取也

古

詩上言長相思按此句暗用張翰思尊羹事

七夕卽事

陶詩卽事多所欣

羽扇西王母雲輶薛夜來鍼神天上落槎客日邊回鵲

渚星橋迴羊車水殿開祇今漢武帝新起集雲臺

四首俱用

七夕故事而叅以新意與清涼山讚佛詩叅看○元詩

手持鳳羽扇武帝內傳到七月七日夜二更之後忽見

西南如白雲起鬱然直來逕趨宮庭半食頃王母至也

雲輶見宮扇拾遺記文帝所愛美人姓薛名靈芸改

靈芸之名曰夜來帝以文車十乘迎之夜來妙于鍼工  
宮中號爲鍼神也孫逖詩美人天上落博物志近有  
人居海渚者年年八月有浮槎去來不失期人有奇志  
乘槎而去十餘月至一處有城郭狀宮中有織婦見一  
丈夫牽牛渚次飲之因問此是何處答曰訪嚴君平則  
知之因還至蜀問君平曰某年某月有客星犯牽牛宿  
計其年月正是此人到天河時也晉書明帝紀不聞人  
從日邊來淮南子烏鵲填河成橋而渡織女按鵲尾  
渚在廬江府舒城縣此借用王子安七夕賦裴羽飾于  
星橋 羊車見讚佛詩水殿見宮扇三輔黃圖集靈  
臺在華陰縣界漢武帝造一統志集靈宮在華陰縣西  
北按漢武內傳作延靈臺而元和郡國志開元十一年  
初置溫泉宮天寶六載改爲華清宮又造長生  
殿名爲集靈臺則集靈臺唐亦有之集雲未詳

## 其二

今夜天孫錦重將聘雒神黃金裝鈿合寶馬立文茵刻

石昆明水停校結結春沉香亭畔語不數戚夫人

天孫錦見

詠山茶花

洛神賦

臣聞河洛之神名曰宓妃

鈿合

見永和宮詞

史記李斯傳中廐之寶馬臣得賜之詩

文茵暢轂駕我騏驎

注文茵虎皮也

曹毗志怪昆明

池作二石人東西相望象牽牛織女長安志昆明池在

長安縣西二十里

邢子才七夕詩秋期忽云至停校

理容色結結見彈琴歌

白詩七月七日長生殿夜半

無人私語時陳鴻長恨歌傳昔天寶十年侍輦避暑驪

山宮秋七月牽牛織女相見之夕因仰天感牛女事密

相誓心願世世爲夫婦言畢執手各鳴咽此獨君王知

之耳按說郭載元虛子志明皇朝夕思惟形神憔悴有

道士以少君術求見上極其寵待冀得復見卽死不憾

於是太真在帳中見上泣曰以天下之主不能庇一弱

女何面顏復見妾乎沉香亭下月中之誓何在也與長

恨歌傳小異此詩沉香亭畔似用元虛子志而先之以

黃金鈿合蓋合用之耳

按西京雜記戚夫人侍兒賈

佩蘭說在宮內時七月七日臨百子池作于闐樂云云



此云不數戚夫人蓋言楊妃死後猶有海外仙山一段佳話也

### 其三

仙醞陳瓜果天衣曝結羅高臺吹玉笛複道入銀河曼

倩詠諧笑延年婉轉歌江南新樂府齊唱夜如何宋延清詩

時菊芳仙醞荆楚歲時記陳瓜果于庭中以乞巧集

仙錄謝自然在靜室有仙人將天衣來迎即乘麒麟升

天西京雜記太液池西有漢武帝曝衣樓七月七日宮

女出后衣曝之鮑詩玲瓏結羅中王詩相送臨高臺

李詩黃鶴樓中吹玉笛史記叔孫通傳注複道閣道

也銀河見青門曲曼倩詠諧見讚佛詩延年見哭

志衍江總持有婉轉歌漢書禮樂志武

帝定郊祀之禮乃立樂府詩夜如何其

### 其四

花萼高樓迴岐王共輦游淮南丹未熟緱嶺樹先秋

詔罷驪山宴恩深漢渚愁傷心長枕被無意候牽牛

唐書

讓皇帝傳光天後以隆慶舊邸為興慶宮于宮西南置樓其西署曰花萼相輝之樓岐王見琵琶行梁書漢

孝王傳入則侍帝同輦出則同車遊獵上林中漢書

淮南王安傳中篇八卷言神仙黃白之術吳哲詩退屑

淮王丹列仙傳王子喬者周靈王太子晉也告桓良

日告我家七月七日待我緱氏山巔至時果乘白鶴駐

山頭二統志驪山在西安府臨潼縣東南梁簡文

帝詩漢渚水初綠通鑑唐元宗初即位為長枕大被

與兄弟同寢張如哉曰杜牽牛

織女詩神光竟難候候字本此

### 大根菜

按本草綱目引爾雅突蘆葩孫炎註云紫花菰也俗呼溫菰似蕪菁大根俗名雹突

一名蘆菔是也子數詢之南人咸云大根菜俗名大頭菜色赤或砌以石或栽于水可為盆盎

之玩蓋蘆蕨  
壁藍之別種

幾葉青青古穿泥弗染痕誰人愛高潔留汝歷涼溫輪

囷形難老芳辛味獨存古來磐石重不必取深根

陳嵩伯詩

幾葉別黃茅青青見湖中懷友而不染

駱賓王詩無人信高潔周子愛蓮說出淤泥

輪囷見龍腹竹歌詩永錫難老

蘇詩心思歷涼溫金盤玉指破

芳辛司馬長卿大人賦超無友而獨存  
犬牙相制所謂磐石之宗也

莊子深根固蒂

趵突泉

曾子固齊州二堂記泰山之北與齊之東南諸谷之水西北匯于黑水之灣又西北

匯于柏崖之灣而至于渴馬之崖蓋水之來也衆其北折而西也悍疾尤甚及至于崖下則泊然而止而自崖以北至于歷城之西蓋五十里而有泉湧出高或致數尺其旁之人名之曰趵

突之泉

似瀑懸何處飛來絕壑風伏流根窈渺跳沫拂虛空石

破奔泉上雲埋廢井通錯疑人力巧天地桔槔中

前四句狀

趵突之奇後四句作贊○集韻瀑飛泉懸水也

范致

能詩醉中得句若飛來絕壑見閬苑詩

杜詩伏流何處入元裕之詩窈渺朱絃寂寞心江賦拊拂瀑沫虛

空見林屋洞

石破見壽鶴如杜詩奔泉濺水珠

張

文昌詩城闕濕雲埋廢井見閬園詩

莊子且子獨不見夫桔槔者乎

## 其二

不信乘空起憑闌直濺衣池平難作勢石隱定藏機

水金人立凌波玉女歸神魚鱗甲動咫尺白雲飛

前四句是

寫後四句比擬俱與前首不復○王詩萬里若乘空

憑闌見圓園詩蘇詩一笑杯翻水濺裙 儲光義詩分

出小池平晉書王敦傳因作勢而起 李公垂大光天

師碑銘發論開蒙藏機匿聖 蘭亭序引以為流觴曲

水張如哉曰晉書束皙傳武帝問三日曲水何義束曰

秦昭王以三日置酒于河見金人捧水心劍曰令君制

有西夏乃霸諸侯因此也 洛神賦凌波微步漢武內

傳帝閒居承華殿忽見一女子曰我墉宮玉女王子登

也 曹詩河伯獻神魚鱗甲見分水龍王廟 吳

尺見送何省齋漢武帝秋風籬秋風起今白雲飛

贈新泰令楊仲延其地為羊叔子故里 一統志新

安府東南一百五十里羊流店在新泰縣西北

六十里以羊祜故里為名俗訛為楊柳店叔子

見東萊行梅村楊仲延詩序南和楊仲延為新

泰令越四年擢守江南之和州 泰安府志楊繼

芳字仲延南和人順

治間由選貢知新泰

置邑徂徠下雙槐夾訟堂殘民弓作社遺碣石為莊野

蘭齊統美春泉魯酒香歸來羊太傅不用泣襄陽

起二句點

明新泰令三四覽古五六卽事結句離卽入妙

○一統

志徂徠山在泰安府東南四十里

韓詩夾道疎槐出

老根霍峒詩訟堂寂寂對烟霞

殘民見高郵道中西

域記一畝為一弓

泰安府志

羊祜城為祜封邑城西有

村曰羊社

徐原一新泰詩

古碣獨尋羊太傅程迂亭

已其地今名崔家庄

有石碣

風俗通旅穀彌望野蘭

被山齊統見宮扇

庾詩春泉下玉溜

莊子魯酒薄而

卽鞞圍

晉書羊祜傳贈侍中太傅

按泣襄陽亦暗

用祜傳每風景必造峴山慨然太息

語也張如哉曰泣襄陽用墮淚碑事

靈巖觀設戒

一統志靈巖山在吳縣西昔吳王置

離宮於此有琴臺館娃宮西施洞響

屨廊吳王井遺跡梁書中天

竺國傳常修淨戒式導不及

上

湖山留霸跡花鳥供經臺不信黃池會今看白社開枯

潭龍洗出妙塔雁歸來此地關興廢須資法將才

首句靈巖

次句設戒三四分承五六側重設戒結句回映合寫全題○孟詩江山留勝跡聖主得賢臣頌索人求士者必

樹霸迹

花鳥見永和宮詞廬山記謝靈運卽寺中觀

翻涅槃經爲臺植白蓮池中名曰翻經臺

左傳哀十

三年公會單平公晉定公吳夫差于黃池

白社見贈

願雲師

法言浮滄海而知江河之惡沱也况枯澤乎

蘇州府志

西施洞右有牛眠石前爲出洞龍貓兒石東

西爲二划船塢蓋吳王渚水以戲龍舟之所

妙塔見

九峯歌

蘇州府志靈巖山其中平坦處爲靈巖寺有塔

曰靈巖塔王詩歸雁來時數寄書

黃魯直詩不負法

昌老

禪將

### 送別故友

絕域重分路知君萬里餘馬頭辭主淚雁足覆巢書草

沒還家夢霜飛過磧車齊諧他日事應記北溟魚起二句是

遙別三四補寫遙別之由五六言其難還反偏出結句

意結則祝友賜環也○絕域見行路難南史裴子野傳

分路揚鑣岑參詩東去長安萬里餘季詩雲傍馬

頭生漢書蘇武傳天子射上林中得雁足有係帛書

後漢書孔融傳安有巢毀而卵不破乎草沒見夜宿

阜昌令狐穀士詩總有還家夢禽經霜飛則霜露翦

則露岑參詩過磧覺天低齊諧見二

十五日詩莊子北溟有魚其名爲鯢

## 其二

雪深難見日海盡再逢關野嵐多同穴神魚斷似山只

應呼草地都不類人間勉謝從行者他年有箇還是出

前半是出



塞時所見後半是出塞時所思故與前首不複○黃魯直詩十月山行冰雪深後漢書袁紹傳曠若開雲見日孟詩海盡邊雲靜漢書地理志隴西郡首陽縣禹貢鳥鼠同穴山在西南渭水所出一統志在臨洮府渭源縣西神魚見跂笑泉魚似山見送吳季子張昱小玉孫詩新分草地緣遊獵紫薇詩話章子厚夢中詩云云殆不類人間世也季少卿答蘇武書幸謝故人勉事聖君有箇見白燕吟梅村贈吳季子詩送吏淚不止流人復何倚彼尙愁不歸我行走已矣與此詩結句異曲同工

### 秋夜不寐

韋應物詩懷君屬秋夜

秋多人衆音不寐夜沉沉浩劫安危計浮生久暫心鄰

鷄殘夢斷窗雨一燈深薄冷披衣起晨鳥已滿林

起二句點

完題面三四是不寐之由五六是不寐時之所聞所見然皆有夜字在內結用晨字正是醒出夜字也○蘇頌

詩蒼茫孤亭上歷亂多秋音  
李詩月寒天清夜沉沉  
浩劫見九峯草堂歌  
浮生見二十五日詩  
杜詩  
遮莫鄰雞下五更  
蘇詩馬上續殘夢  
韋端已詩夜  
風雨急松外一庵燈  
王子敬有薄冷帖  
魏文帝詩  
轉不能寐披衣起徬徨  
陸務觀  
詩忽已晨鳥遷社詩昏鴉已滿林

喜願雲師從廬山歸并序

願師住雲居十年而歸出其匡廬詩道五老石  
門九奇三疊諸勝飛泉怪瀑不可思議而尤以  
御碑亭雲海爲第一觀竟似住鏡光白銀二種  
世界不知滄桑浮塵爲何等事矣願公贈予五  
十初度詩其落句曰半百定將前諾踐敢期對

坐聽松聲蓋責予前約會時方喪亂衰病無家

顧以高堂垂白不能隨師以去也乃爲此詩答

之

按梅村贈願雲師序將遠遊廬嶽遺書別予今喜其自廬嶽歸也五老見呈李太虛

統志

廬山最著者石門澗在山之北面又三疊

泉在廬山

五老峯後集韻瀑飛泉懸水也法苑

珠林

佛變化無量三昧力不可思議一統志

白鹿昇仙臺

在廬山天池寺明洪武二十二年

御製周顛仙傳

建碑亭於臺上李詩寥廓雲海

遠

杜牧之詩上吞巴漢控瀟湘怒似連山淨

鏡光

史記封禪書蓬萊方丈瀛洲此三神山也

皆以黃金白銀爲宮闕

零參詩登臨出世界

滄桑見海戶

曲汙楚辭皇覽揆予于初度兮

贈願雲師有故人叩松關

十年踐前諾之語

高堂見礬清湖

鮑詩垂白對講書

勝絕觀心處天風萬壑聲石門千鏡入雲海一身輕出

世悲時事忘情念友生亂離兄弟恨辜負十年盟前半身願

雲住雲居之事後半首言已之不能赴約也○勝絕見

巫峽戴景屏詩隱凡自觀心天風見彈琴歌萬壑見

禮蒼公塔陳去非詩起照千丈鏡杜詩身輕一鳥

過出世見贈願雲序忘情見贈劉虛受注詩不如

生友

贈錢受明

梅村壽錢臣展序吾季弟孚令以女女臣展之子受明

獨喜營時譽疎通邁等倫地從諸父重性似外家貧

馬無他好詩書別有神古來傳孝謹非必守前人此示受明

以保家之主也疎通孝謹事相反而意相照應中四句

虛寔相生用意周匝○時譽見送杜于皇疎通見哭

志行杜詩尊榮邁等倫詩以速諸父按諸父指臣辰  
兄曼修詳贈錢臣衷外家見遇劉雪舫范彥龍詩  
裘馬悉輕肥杜詩下筆如有神史記萬石君傳石  
奮長子建次子甲次子乙次子慶皆以馴行孝謹官至  
二千石按鎮洋縣志所載臣展蓋  
跣跣之流故梅村以孝謹勗之也

受明得子柬賀

長因故人子往事憶流連曾忝充閭會俄逢拜袞年諸

甥今甫爾入抱却依然吾老猶堪待公卿只眼前從故人子

生情通首皆有真味杜詩乃吾故人子晉書賈充  
傳父達晚始生充言後當有充閭之慶故以為名字焉

南史彭城王義康傳袁淑嘗詣義康問其年答曰鄧  
仲華拜袞之歲後漢書鄧禹傳禹字仲華諸甥見遇

劉雪舫

詩亦既抱子

蘇詩無災無害到公卿

宿徐元歎落木菴

〔原註〕元歎棄家任故鄣山中亂後歸天池丙舍落木菴竟陵譚

友夏所題也

〔沈歸愚師曰〕徐波字元歎江南

吳縣人〔一統志〕故鄣故城在湖州府安吉州西

北青山在安吉州東北一名均山以有梁吳均

故宅故名均與施從事書云故鄣縣東有青山

絕壁千尺孤峯八漢〔按〕蘇州府志毛都憲祠在

華山天池則天池吳縣地也〔溫飛卿詩〕丙舍無

人遺燼香〔一統志〕天門縣在安陸府東南二百

二十里漢置竟陵縣雍正四年改爲天門縣〔湖

廣通志〕譚元春字友夏天門人天啟丁卯鄉試

第一〔按〕友夏李太虛所取士也〔池北偶談〕徐元

歎康熙初年七十餘尙在自撰落木菴記云崇

正癸酉與竟陵譚友夏在其弟服膺署中曉起

盥漱見余白髮盈梳曰子從此別計必任山請

擇佳名〔一〕服膺出幅紙請作擘窠大字友夏

爲書落木菴今三字揭諸菴門松栢數株撐風

蔽曰元冬霜夜蕭蕭而下雙童縛帚掃除不給

齋厨爨烟皆從此  
出事之前定如此

落木萬山心蕭條無古今棄家歸去晚別業任來深客

過松間飯僧留石上琴早成茅屋計枉向白雲尋

此首詠落

木菴之深正以見元歎之高也萬山心白雲尋俱有深  
字在內前半首寫元歎落木菴後半首旁寫宿字○落  
木見送何省齋杜詩遙望千山萬山赤別業見遇劉  
雪舫儲光羲詩山人松下飯季詩拂彼白石彈吾  
素琴杜詩何時一  
茅屋送老白雲邊

詩人用江心湖心山腰山根者多矣山心蓋梅村創  
用字有用神魚者矣神象神鶻亦梅村創用字然神  
字蓋本于支道林語貧道愛其神駿也顧瞻泰曰  
唐任蕃葛仙井詩脉冷應山心此在梅村以前者

送王子惟夏以牽染北行

盤悅卮談王惟夏牽  
染之爲奏銷逮削

晚歲論時輩空羣汝擅能祇疑櫟陽逮猶是濟南徵名  
字供人借文章召鬼憎阿戎才地在到此亦何憑從惟  
夏才  
地起三四寫出牽染仍用飛動之筆後半就其才而深  
惜之也○晚歲見贈雪航三國志孫禮傳禮與盧毓同  
郡時輩退之送溫處士序伯樂一過冀北之野而馬  
羣遂空崔嘏授楊魯士長安縣令等制念孔明以政事  
文學別為四科而魯士等各擅其能史記項羽紀項  
梁嘗有櫟陽逮又儒林傳伏生濟南人也詳壽王鑑  
明周書蕭大圓傳如蒙北叟之放寔勝濟南之徵名  
字見閭園序注杜詩文章憎命達皮襲美詩醫過芳  
晨定鬼憎宋書謝惠連初不為父所知族兄靈運曰  
阿戎才悟如此而可作常兒遇之才地見青門曲

其二

二十輕當世愁君門戶難比來狂大減翻致禍無端落



木鄉關遠疲驢道路寒

集作疲驢非

敝衣王謝物請勿笑南

冠

梅村五律不肯平鋪直敘每有飛動之勢如此詩前四句是也五六跟第四句說下結又展開一步然門

戶王謝無心自合是詩律細處○更記魯仲連傳吾與富貴而詘于人寧貧賤而輕世肆志焉

長悌書惜足下門戶欲令彼此無恙也

如渴後狂還減

宋書謝晦傳鑒凶禍之無端

見贈陸生

疲驢見韓斯王墓

更記范睢傳為微行

敝衣閒步之邸見須賈南史陳顯達傳塵尾蠅拂是王

謝家物

冠見琵琶行

其三

客睡愁頻起霜天貫索明此中多將相何事一書生未

俗高門賤清時頌繫輕為文投獄更歸去就躬耕

此首手牽

染之後望其前釋也三四亦以不平衍爲奇第五句若  
申明三四語者第六句祝願之詞末乃點明之○杜詩  
客暉何曾著秋天不肯明霜天見海戶曲隋書天文  
志貫索九星賤人之半也九星皆明天下獄煩季少  
卿答蘇武書抱將相之具南史蕭允傳何事於一書  
生哉漢書朱博傳今末俗之弊政事煩多高門見彈  
琴歌答蘇武書策名清時漢書刑法志詔曰年八十  
以上八歲以下及孕者未乳師朱儒當鞠繫者頌繫之  
注頌讀曰客寬容之不枉桎史記周勃世家勃以千  
金與獄吏接爲文投獄吏暗用項梁請斬獄掾曹咎書  
抵櫟陽獄掾司馬欣事躬耕見汲古閣歌

#### 其四

但可寬幽繫從教察孝廉昔人能薦達名士出髡鉗世  
局胥靡夢生涯季王占定聞收杜篤寧止放江淹

此首祝其

湔釋之後可邀登用正與首章相應○郭棐懷賢賦或  
幽繫於南冠漢書武帝紀令二千石舉孝廉後漢  
書劉平傳數薦達名士按髡鉗字出史記季布傳此  
用蔡邕事見行路難史記殷本紀說爲胥靡注靡隨  
也古者相隨坐輕刑之名生涯見塗松晚發史記日  
者傳司馬季主者楚人也卜於長安東市後漢書文  
苑傳杜篤字季雅京兆杜陵人也曾大司馬吳漢薨光  
武詔諸儒誄之篤於獄中爲誄辭最高帝美之賜帛免  
刑南史江淹傳字文通濟南考城  
人也被繫獄自獄中上書卽日出之  
吳兆寬字宏人同王惟夏出都攜手斜陽出帝京低  
徊話舊不勝情門衰已幸離文網身賤猶慙識姓名  
多難每逢歌與泣同途相對喜還驚  
交遊意氣如君少馬首春風好問程

虎邱中秋新霽

萬籟廣場合道人心地平天留今夜月雨洗去年兵歌

管星河動禪燈風露清淒涼闔閭墓斷壑起松聲

三四清穩

中有生動之趣萬籟松聲自然應合○萬籟見揖山樓廣塲見夜集圖道人見西田詩今夜月見謁剖公

零參詩夜渡巴江雨洗兵

鮑詩歌管為誰清杜詩

三峽星河影動搖

宋史藝文志僧道原景德傳燈錄

三十卷陶詩淒淒風露交

蘇州府志吳王闔閭墓在

元和縣西北

斷壑見六真歌序高唐賦不見其底虛

聞松

聲

按去年兵蘇州府志不載然順治十六年海寇陷鎮江沿江諸郡邑多陷蘇州濱海益被其禍故中秋看月云今年京口月猶得杖藜看  
與此詩其俱作于十七年歟

### 哭亡女

喪亂才生汝全家竄道邊畏啼思便棄得免意加憐兒

女關餘刳于戈逼小年興亡天下事追感倍淒然起句領起

通篇餘亦層次入妙○梅村遣悶詩搖手禁之不敢哭

卽畏啼汪脚杜詩啼畏虎狼聞元詩拈花盡意憐

儒書經籍志佛經所說天地之外四維上下更有天地

亦無終極然皆有成有敗一成一敗謂之一刳莊子

小年不及大年唐書杜甫傳好論天下事北

史趙修傳猶追感舊意經恤其家莊子淒然似秋

### 其二

一慟憐渠幼他鄉失母時止因身未殞每恨見無期白

骨投懷抱黃泉訴別離相依三尺土腸斷孝娥碑此首從失

母說真摯可味三四是生前不得相依五六是亡後相

依未句以孝女贊之○一慟見尚書行杜詩世亂憐渠

小失母見課女王介甫謝表願百身之糜殞別

左詩相見期後漢書陳忠傳三年乃免于懷抱

傳隱元年不及黃泉無相見也季詩君不見裴尚書  
古墳三尺蓬棘居後漢書列女傳孝女曹娥者會稽  
上虞人也父盱溺死不得屍骸娥年十四乃沿江號哭  
晝夜不絕聲旬有七日遂投江而死至元嘉元年縣長  
度尚改葬娥于江南傍爲立碑焉

### 其三

扶病常聞亂漂零寔可憂危時難共濟短算亦良謀訣

絕頻攜手傷心但舉頭昨宵還勸我不必淚長流

此首用透

過一層法意直則語奇也○季少卿答蘇武書而皆扶  
病吳志孫皓傳思與賢良共濟世道皮襲美詩激  
之恐減算勺之必延齡魏志孫資傳動賴良謀訣絕  
見送何省齋畫民罔不盡傷心元和顧逢源渠清曰  
舉頭字出晉書明帝紀

杜詩不必淚長流

中秋看月有感

今年京口月猶得杖藜看暫息干戈易重經少壯難江

聲連戍鼓人影出漁竿晚悟盈虧理愁君白玉盤猶得二字

寫盡有感三四卽猶得之意後半所感者深○一統志

鎮江府三國吳曰京城宋書州郡志晉元帝初割海虞

北境爲東海郡立刻胸利城三縣永和中移郡出京口

刻等三縣亦寄治焉杜詩明日看雲還杖藜少壯

見送何省齋劉孝綽詩隔山聞戍鼓人影見蚤起

岑參詩孤負一漁竿易天道虧盈而益謙李義山詩

一生長共月虧盈李詩小時不識

月呼作白玉盤杜詩悲君白玉盤

支硎山齋聽雨明日早晴更宿法螺精舍一統志

在吳縣西南寰宇記晉高士支遁嘗憩遊其上

蘇州府志平石爲硎山多平石故因支遁以支

硯為號右一支為寒山盤陀空谷化城法螺諸庵景皆絕勝韋應物詩山館夜聽雨

秋山所宿處指點白雲生故作中宵雨倍添今日晴

峯當止觀萬象逼孤清更上方去松風吹玉笙

起二句是

往宿而將雨三四句是既雨而旋晴也五六支硯七八法螺層次歷歷引人入勝○秋山見送志衍入蜀指

點見龍腹竹歌

晉書祖述傳每語世事中宵起坐

杜詩倍添白髮明

一峯見讚佛詩其三金陵語錄定

慧為菩薩止觀為佛

萬象見著清湖陳伯玉詩水木

澹孤清

即君胄詩月在上方諸品靜

劉孝威詩浮

邱侍

玉笙

懃趙凡夫所鑿石

明詩綜趙宦光字凡夫吳人有寒山雜著竹垞詩話凡夫饒於

財卜築城西寒山之麓淘洗泥沙俾山骨畢露高下泉流凡遊于吳者靡不造廬談讌蘇州府



志寒山禪院在支硎山西明趙宦光墓其父于此因結隱焉鑿石疏泉窮極幽邃唐顏宦音怡

石骨何年鑿蒼然萬態收直從文字變豈止斧斤搜亂

瀑垂痕古枯松結體遒卽今苔蘚剝一一類銀鈎

鈎集作鈎

非蒼然萬態收是出力寫斲字三四正是蒼然處也

瀑痕松體與所斲石是一是二至苔蘚亦類銀鈎則寫

得斲字更奇矣○韓詩巧匠鑿山骨蒼然見穿山白

詩向背萬態隨低昂張如哉曰凡夫創爲草篆體故

以文字變贊鑿石垂痕結體銀鈎皆賦而比也皇甫

曾詩山路倒枯松唐書薛稷傳結體遒麗遂以書名天

下沈雲卿詩苔蘚更

彩錯銀鈎見九友歌

竹垞詩話書之最古者莫如篆學野王雜以隸書已

失其舊李陽冰刊定說文頗出私意詆訶許氏學者

已恨之凡夫草篆又何所本乎艮齋雜說吳人語

云天下歇家王百穀山中驛吏趙凡夫相傳百穀家

居申少師予告歸里車騎闐門賓客墻進兩家巷陌  
各不相下凡夫卜築寒山搜剔泉石又得卿子為妻  
靈均為子貴遊麋至幾同朝市兩君可稱處士之  
特矣然題之曰歇家曰驛吏豈非春秋之筆乎

趙凡夫山居為祠堂今改為報恩寺

蘇州府志宦  
光子均歿無

後其宅改為僧廬人猶稱趙墳亦  
曰報恩寺有老梅二株頗奇古

高人心力盡石在道長存古佛同居住名山即子孫飛

泉穿樹腹奇字入雲根夜半藤蘿月鐘聲冷墓門

起二  
句是

趙凡夫山居三四句祠堂改寺句意最工後半首形容  
入妙曲盡題意○南史劉穆之傳心力俱盡 蔣列明  
妃神女舊跡詩搗衣餘石在韓詩外傳道存則國存  
古佛見歸雲洞北史楊椿傳居住宅舍不作壯麗華飾  
名山見讀佛詩杜詩諸峯羅列似兒孫 飛泉見喜  
願雲歸序歐陽永叔詩惟啄槎牙枯樹腹 張如哉曰

奇字指草篆雲根見石公山杜詩  
請看石上藤蘿月詩墓門有棘

靈巖繼起和尚應曹村金相國請任虎邱祖席靈巖

見觀政戒繼起見入天台按蘇州府志震澤縣第九都曹村而震澤本吳江縣地於雍正二年析置則曹村當卽震澤之曹村耳又金之後字彥章吳江人後徙郡城萬歷己未進士本朝晉大學士歷加太傅謚文通虎邱見夜集圖李詩祖席留丹景

應物心無繫觀空老辯才道隨諸佛任山是相公開日

出巖齋鼓天清護講臺居然歌舞地人爲放叅來前半首繼

起應金相國請後半首任虎邱祖席也○晉書王濛傳虛已應物百詩身輕心無繫沈休文郊居賦猶觀空以表號王元禮約法師碑辯才無閼游戲神通徐孝穆長干寺衆食理諸佛淨土相公見雁門尚書行

帝王世紀日出而作黃魯直詩粥魚齋鼓到江船天  
清見送何荅菴講臺見虎邱夜集圖晉書明帝紀居  
然可知也杜詩回首可憐歌舞地緒藏百  
丈清規僧堂止靜謂坐禪開靜謂放叅也

王增城子彥罷官哭子留滯不歸近傳口信不得

一字詩以歎之

（一統志增城縣在廣州府東一百六十二里子彥見短歌

老狗妻孥意辭家苦萬端關心惟少子失計在微官客

夢烏衣巷鄉愁白石灘可憐消息到猶作兩人看

起二句總

挈三四哭子罷官分寫五六虛寫結到口信上舊唐書柳渾傳千里辭家以干微祿

（北齊書李元忠傳家

事大小了不關心戰國策丈夫亦愛憐其少子乎失計見送子似青瑯潘安仁詩豈敢陋微官

烏衣見白

燕吟

（王詩清淺白石

灘

（杜詩反畏消息來

其二

庾嶺應逢雁章江莫寄魚遙知雙淚盡不遣一行書家

在無歸趣途窮失所如故鄉宜早去臨發乃長歎

集作吁

前半首寫近傳口信不得一字後半首總寫○（一統志

大庾嶺在南安府大庾縣與廣東南雄府分界一名臺

嶺又名梅嶺蘇詩鹿頭北望應逢雁章江見送何蓉

菴注古詩客從遠方來遺我雙鯉魚呼童烹鯉魚中有

尺素書杜詩故憑錦水將雙淚又（不寄一行書

字典如往也如左傳公如棠如齊之類劉伯倫酒德頌

縱意所如宋史鄭俠傳長吁數四按梅村律詩無通

用韻者吁應作獻魏書司徒公順傳仰面看屋長獻而

不

言

寄懷陳直方

梅村亡女權厝誌我之仲女禮成歸於相國子孝廉容永字直方時相國

守司農卿而直方北閫得舉司農再相未一歲  
用言者謫居瀋陽已而相國召入京爲宿衛再  
以他事下請室全家徙遼左直方右目眇於律  
廢疾者贖居兩月有後命與諸兄弟竟同遣云  
〔按此有寬恩獨留兄弟裘馬等句益作於議  
贖之時同遣以前也時直方在北故云寄懷〕

漢法三冬繫秦關萬里流可憐諸子壯不料闔門收要

路冤誰救寬恩病獨留羈栖騎瘦馬風雪阻他州

前四句指

彥升後四句指直方○漢法見又咏古

李遐叔弔古

戰場文秦築長城竟海爲關

〔後漢書鄧騭傳〕闔門靜

居要路見哭志衍

〔子瞻謝表〕尙荷寬恩

羈栖見

送杜穀武社詩東郊瘦馬使我傷

〔又〕十口隔風雪戴

復古詩焚香拜元

日受歲客他州

按東方朔傳年十二學書三冬文史足用而接以十  
五學擊劍十六學詩書似以一冬代一年也朱子詩

傳三秋則不止三月矣與朔傳同然梅村亡女權厝  
誌相國再以他事下請室家人咸被繫直方在外舍  
未就執獄旬月而後讞是彥升未嘗有三年之繫當  
亦如杜詩螭龍三冬卧以冬代月耳觀太史公報任  
安書涉旬月  
迫季冬可見

## 其二

百口風波大三生夢寐真膏梁虛早歲辛苦得前身索

米芒鞋雪傭書布帽塵不知公府掾

集作掾非

可識路旁人

此首皆指直方前半首虛寫後半首實敘○百口見避  
亂風波見駕湖曲白詩世說三生如不謬共疑巢許  
是前身杜詩相對如夢寐梅村亡女權厝誌直方孱  
然膏梁少年也蘇詩早歲便懷濟物志辛苦見遇劉  
雪舫晉書羊祜傳李氏子則祜之前身也李長吉詩  
索米主門一事無芒鞋見贈蒼雪後漢書班超傳家

貧常爲官傭書以供養陸務觀詩布帽裙襦老管寧  
晉書張協傳與張載齊名辟公府掾劉公幹詩從者  
盈路傍

徐季方見聞錄陳直方名容永彥升先生子與閩汀  
黎媿曾北塲甲午同門一日謂媿曾曰予知四世事  
初爲蜀通判子苦嫡母嚴商於外父死乃得歸再世  
爲王孫三世爲京師竹林寺僧一日放叅有婦女尋  
過偶一眴之遂墮落至此八歲時從家大人入寺一  
見恍然齋房徑路皆爲記識今雖爲宰相子後世愈  
下矣按此詩之三  
生前身益指其事

### 其三

萬事偶相值愁中且遣家江山俄轉戰妻子又天涯客  
酒消殘漏軍書過落花出門翻自笑安穩只龍沙

觀此詩語



意蓋作于仲女南歸之時亦俱指直方說前半首遣家  
後半首客况也○遣家出魏志程昱傳梅村亡女權厝  
誌獨子婦不在遣中相國命將幼穉歸轉戰見讀史  
雜詩梅村女誌未幾海警急京江陷北信不至州人一  
日數驚天涯見送何省齋譚用之詩碧玉蟬嬈迎  
客酒鄭守愚詩酒醒草檄聞殘漏漢書息夫躬傳軍  
書交馳而輻輳曾子固詩太守自吟還  
自笑安穩見閨園詩龍沙見東萊行

#### 其四

時世高門濯似君誠又稀何辜憂并坐卽免忍先歸苦  
語思持滿勞生羨息機向來兄弟輩裘馬自輕肥此首  
纏綿  
悱惻衷腸百轉惟其情真是以語妙○時世見二十五  
日詩高門見送杜嵒武詩何辜今之人書疏殷周以  
後其罪或相緣坐左傳僖九年齊侯盟諸侯于葵丘  
宰孔先歸苦語見贈願雲師史記句踐世家持滿者

與天莊子勞我以生季詩曾向長生說息機范彦  
龍詩衣馬悉輕肥梅村女誌陳氏家方隆盛時子弟厚  
自封殖卽難作而室中裝爲在南者分持去相國  
母夫人於武林聞之曰四郎無私財如妻子何

### 咏月

長夜清輝發愁來分外明徘徊新戰骨經過舊臺城過去

聲秋色知何處江心似不平可堪吹急管重起故鄉情

觀臺城字蓋作於金陵客夜故用故鄉語也前半寫  
後半虛寫○甯戚飯牛歌長夜漫漫何時旦張子壽詩

後半夜減清輝曹詩明月照高樓流光正徘徊杜詩但  
添新戰骨南史陶潛傳顏延之經過潛每往必酣飲

致醉臺城詳臺城謝元暉詩芸黃共秋色白居易詩惟  
有江心秋月白季義山詩中心最不平鮑詩催絃急

管爲君舞李詩  
何人不起故園情

訪商倩郊居有贈

沈休文有郊居賦

花影瘦籬根江平客在門曉吟寒入市晚食雨歸村管

記看山爽傭書宿火痕西京游俠傳乃父姓名存

前半切定

郊居後半切定商倩辭俱雅令○花影見送志衍籬根

見高郵道中

杜詩江平不肯流

杜彥之詩望海樓

中徹曉吟

晉書衛玠傳總角乘羊車入市

戰國策晚

食以當肉

鄭守愚詩牛羊送日獨歸村

謝靈運詩序

阮瑀管書記之

任晉書王徽之傳西山朝來致有爽氣

耳白詩十里看山歸傭書見懷陳直方韋應物詩空

林無宿火

西京見鐵獅歌游俠傳見

又咏古書惟乃祖乃父世篤忠貞

又咏古

書惟乃祖乃父世篤忠貞

詩不遑假寐李

假寐得月

詩促酒喜得月

滅燭貪涼夜牕陰夢不成雲從閉目過月向舉頭生樹

滅燭貪涼夜牕陰夢不成雲從閉目過月向舉頭生樹

詩促酒喜得月

又咏古書惟乃祖乃父世篤忠貞

又咏古

書惟乃祖乃父世篤忠貞

詩不遑假寐李

假寐得月

詩促酒喜得月

滅燭貪涼夜牕陰夢不成雲從閉目過月向舉頭生樹

滅燭貪涼夜牕陰夢不成雲從閉目過月向舉頭生樹

詩促酒喜得月

又咏古書惟乃祖乃父世篤忠貞

又咏古

書惟乃祖乃父世篤忠貞

詩不遑假寐李

假寐得月

詩促酒喜得月

滅燭貪涼夜牕陰夢不成雲從閉目過月向舉頭生樹

黑漆深影溪長耐獨行故人多萬里相望祇盈盈先用滅燭

字氣妙前半完題面後半寫題意妙在不脫月字○謝元暉詩停琴佇涼月滅燭聽歸鴻秋興賦覺涼夜之方

永梁簡文帝詩聽陰隨影度溫飛卿詩水簾銀床夢不成白詩靜念道經深閉目李詩舉頭望明月

張承吉詩樹黑雲歸去西陽雜俎人影欲深杜詩萬里共清輝又與君永相望盈盈見織女張如哉曰盈盈

盈用禮記三五而盈

三峯秋曉蘇州府志三峯寺在三山唐咸通十三

年建又吳縣三山有三峯地相連接

應物詩類氣疑秋曉

曉色近諸天霜空萬象懸雞鳴松頂日僧語石房烟清

磬秀羣水幽花香一泉欲叅黃蘗義便向此中傳寫得曉字

出如驪龍弄珠○寶羣詩碧樹分曉色  
參詩高閣逼諸天  
劉滄詩寥落霜空木葉稀  
顧逋翁詩風隨松頂雪  
馬虞臣詩僧語石樓空  
石房見送穆苑先清  
磬見宿福源精舍  
幽花見遇南廂園叟一泉見天王  
寺  
趙子昂臨濟正宗之碑遊學江左事黃蘗黃蘗種  
松剛地有聲師聞之豁然大悟歸鎮州築室滹沱河之  
上今臨濟院是也因號臨濟大師  
陶詩此中有真意

按第五句羣水字似與一泉不合若以爲羣木似與幽花錯出矣俟考

偕顧伊人晚從維摩踰嶺宿破山寺

感舊集補傳顧湄字伊人

江南太倉人有水鄉集蘇州府志常熟縣維摩禪寺在虞山北巔破山寺見壽鶴如

樹老不言處秋深無事中雲根僧過白霜信客來紅樵

語隔林火茶烟小院風杳然松下路人影石橋東

此詩在踰

嶺未宿時作前半首踰嶺時之遠景後半首漸近破山寺矣層次如畫○〔王詩〕問年松樹老〔李君虞詩〕清明秋序深 雲根見石公山〔筆談〕北方白雁似雁而小至則霜降謂之霜信〔杜牧之詩〕霜葉紅于二月花〔錢仲文詩〕雲裏隔林火 茶烟見蚤起小院見彈琴歌杳然見磬清湖序 人影見送志衍石橋見送致言

維摩楓林絕勝則公獨閉關結足出新詩見示〔杜詩〕

玉露凋傷楓樹林〔程迓亭曰〕則公名華通太倉人靈隱具德弟子〔顏延年詩〕劉伶善閉關婆娑

論結脚

趺坐

遇賞只枯坐秋林自着霜道心黃葉澹勝事白雪忘澗

水通茶竈山花對石牀靜中幽思足爲我出詩囊〔前半首閉

關結足後半首于閉關轉到出詩也○〔蘇詩〕兀坐如枯株〔庾詩〕秋林栗更肥〔張道濟詩〕空山寂歷道心生

黃葉見送趙友沂〔王詩〕勝事祇自知〔庚詩〕

窻外茶竈見東許九日〔徐孝穆詩〕山花臨舞席石床

見曇陽觀〔史記屈原傳〕故憂愁幽思而

作離騷〔陸務觀詩〕古錦詩囊覓句忙

夜發破山寺別鶴如上人

夜發見再觀打水

得來松下宿初月澹相親山近任難定僧高別更真暗

泉隨去馬急葉捲歸人過盡碧雲處我心慚隱淪

此首從宿

字起亦如假寐得月從滅燭起也三句是發四句是別

後半首夜發後之所見所思〔庚詩〕殘月如初月〔蕭

慤詩〕雲來覺山近僧高見代州〔李頎詩〕高樓聞暗

泉岑參詩春流飲去馬

〔江詩〕歸人望烟火

〔又〕日暮

碧雲合〔詩〕實獲我心隱淪見退谷歌

初月澹相親即檣燕語留

人之意此詩似有所諷

苦雨

月令孟夏行秋  
令則苦雨數來

響苦滴殘更愁中耳倍明生涯貪舊業天意誤躬耕乞

火泥連屋輪租潦滿城誰家歌舞宴徹曉不聞聲愁中耳倍

明寫盡苦字三四句承愁中五六句又從愁中拙寫兩

事也結句與起二句作對照非欣美語○張文潛詩郵

亭結束問殘更張安國咏雨詞也不管滴碎故鄉心

愁人耳生涯見塗松晚發舊業見雕橋莊歌張道

濟詩天意若人期躬耕見汲古閣歌乞火見臨頓見

杜詩床上書連屋詩話總龜謝無逸常問潘大臨有

新詩否答曰昨日得滿城風雨近重陽句忽催租人至

遂敗人意乾淳歲時記爆竹鼓吹之聲喧闐徹夜

茸城客樓大風曉寒吟眺以示友聖九日王符諸

子

沈友聖許九日並已見程迓  
亭旦受明姓楊名瑄華亭人



偶作扁舟興偏逢旅夜窮鴉啼殘夢樹客話曉樓風月

落三江外城荒萬馬中空持一尊酒歌哭與誰同

前半首客

樓大風曉寒後半首吟眺示友○杜有旅夜書懷詩

周衡

秦少游詩落紅滿地乳鴉啼殘夢見秋夜不寐

周衡

之詩蒲團延客話杜牧之詩曉樓烟檻出雲霄

三江

見林屋洞杜詩城荒草木深萬馬見雁門向書行

歌

沈休文詩

勿言一樽酒明日難重持

歌

哭見閬園詩李義山詩松醪一醉與誰同

遇宋子建話故友有感

梅村宋讓木詩序宋氏之以詩鳴者隱莫如子建幸

莫如直方程迥亭曰子建名存標華亭

人故友謂其兄讓木也讓木名徵璧

對酒徐君劍披襟宋玉秋蕭條當晚歲生死隔炎洲萬

里書難到三山夢可求

原注子建學仙傷心南去雁老淚只交

流

起二句遇宋子建三四話舊友五六就子建說結句就自已說○徐君劍見送徐次桓 第二句見宮扇

晚歲見送何省齋宋讓木詩序君累不得志于計偕

凡六上始收不幸遂遭末造憂生傷亂踰十年始出

錢仲文詩雨露隔炎洲讓木詩序既已簪筆侍從又不

獲已從事于戎馬鉦鼓之間至者差其勞勩奏授一郡

崎嶇嶺海煥然其遺民刻廉自苦七年不得調 庾詩

獨下千行淚開君萬里書崔崗詩胡越書難到 白詩

忽聞海外有三山 儲光義詩南雁將

何歸 白詩寒波與老淚此地共潺湲

樓閣晚角

杜牧之詩風送孤城臨晚角

霜角麗譙聞天邊橫海軍旗翻當落木馬動切寒雲風

急城烏亂江昏野燒分何年輦鼓息倚枕向斜曛 首句完題

面次句點出在葺城也三四旗馬承軍字說仍含晚字在內五六樓上之所見結句聞角之所思俱不脫晚字

意○詞名有霜天曉角却掃編顏師古曰樓一名譙故  
謂美麗之樓為麗譙橫海見葺城行劉孝孫詩耀  
日采旗翻落木見送何省齋天戴禮馬動而鸞鳴字  
典切迫也寒雲見遇劉雪舫杜詩風急天高猿嘯哀  
左傳襄十八年城上有烏白詩江昏水暗流又野  
火燒不盡鼙鼓見遇劉雪舫陳仲衆詩晴窓展玩  
到斜

送錢子璧赴大名一統志大名府在京師西南一千一百二十里

一騎衝寒雪孤城叫晚鴉  
參軍雄鎮地上客相公家酒

盡河聲合燈殘劍影斜  
信陵方下士旅思莫興嗟首句紀時

次句指大名說參軍上客俱指子璧五六在大名之景  
結句慰藉是寫送字○史記李將軍傳嘗夜從一騎出  
衝寒見送字令晚鴉見送張青瑯參軍見臨江參  
軍白詩浙右推雄鎮一統志大名府元祐元年賜號天

雄軍節度 上客見行路難相公見雁門尚書行明史

成基命傳字靖之大名人崇禎二年拜禮部尚書兼東

閣大學士入閣輔政謚文穆 酒盡見鴛湖曲河聲見

黃河 李有中詩蓬底一燈殘駱賓王螢火賦同劍影

之埋豐 一統志大名府戰國屬魏衛二國史記信陵

君傳魏公子無忌者封為信陵君公子為人仁而下士

王子安詩悠悠旅思難梁簡文帝

答湘東王書臨岐有歎望水興嗟

曹秋嶽答子璧詩有云瑤笙夜咽浮邱嶺繡轂春移

大麓風游覽及時筋力健莫令燕趙獨豪雄時子璧

亦在大名也按大名成光字仲謙青壇相國子也有

送錢子璧師南歸詩云自昔人歌行路難歸途雨雪

幸加餐明珠未合塵中擲神劍須從斗外看浹歲春

風留絳帳數聲秋雁急征鞍躊躇分手情何限玉漏

清尊午夜寒成文穆卒於崇禎八年此云相公家蓋

在文穆身後而仲謙以子璧為師故云上客也信陵

公子亦指仲謙滑縣朱驂字汗朱送錢子璧還江南

詩相思幾載隔漁磯纔得逢君又送歸日暮離亭蕭

鼓歇滿天落葉向人飛  
衛水秋深雁陣遲  
黃花開向送君時  
且拚爛醉登高酒  
明歲花開知對誰